

**ODLUKU
O PRERASPODJELI RASHODA U BUDŽETU OPĆINE
ILIJAS ZA 2023. GODINU**

Član 1.

Odobrava se preraspodjela rashoda na razdjelu budžetskog korisnika "Općina Ilijaš", unutar Posebnog dijela Budžeta Općine Ilijaš za 2023. godinu, na sljedećim budžetskim pozicijama:

- smanjuju se sredstva na budžetskim pozicijama :

"121/614324 - Tekući transferi neprofitnim organizacijama - Ratna udruženja - Redovan rad" - u iznosu od 3.000,00 KM ;

- povećavaju se sredstva na budžetskim pozicijama :

"121/614324 - Tekući transferi neprofitnim organizacijama - Ratna udruženja - Aplikacije programa" u iznosu od 3.000,00 KM

| | |
|--|--------------|
| "121/614324 - Tekući transferi neprofitnim organizacijama - Ratna udruženja - Redovan rad" | 57.000,00 KM |
| "121/614324 - Tekući transferi neprofitnim organizacijama - Ratna udruženja - Aplikacije programa" | 58.000,00 KM |

Član 2.

Za realizaciju ove Odluke zadužuje se Služba za privredu i finansije.

Član 3.

Danom donošenja Odluke odobrena preraspodjela postaje sastavni dio Budžeta Općine Ilijaš za 2023. godinu.

Član 4.

Ova odluka stupa na snagu danom donošenja a objavit će se u "Službenim novinama Kantona Sarajevo".

Broj 04/3-11-1376/23

09. novembra 2023. godine
Ilijaš

Općinski načelnik
Akif Fazlić, s. r.

**OPĆINA TRNOVO
Općinsko vijeće**

Na osnovu člana 24. i 117. Statuta Općine Trnovo ("Službene novine Kantona Sarajevo", broj 12/08), Općinsko vijeće Trnovo, na 21. sjednici, održanoj dana 16.11.2023. godine, donosi

ODLUKU

Član 1.

Daje se saglasnost Općinskom načelniku da u ime Općine Trnovo može provesti procedure kratkoročnog oročenja iznosa od 2.000.000,00 KM (slovno: dva miliona i 00/100 KM) kod poslovnih banaka.

Član 2.

Period na koji se oročavaju novčana sredstva iznosi 12 mjeseci.

Član 3.

Ovlašćuje se Općinski načelnik da u skladu s pozitivnim zakonskim propisima provede odgovarajuće procedure u cilju provedbe obaveza iz člana 1. ove Odluke.

Član 4.

Ova odluka stupa na snagu danom donošenja.

Broj 01-02-4639/23
21. novembra 2023. godine
Trnovo

Predsjedavajuća
Općinskog vijeća Trnovo
Amina Dedić, s. r.

Na osnovu člana 13. stav 2. alineja 4. i 36. Zakona o principima lokalne samouprave u Federaciji Bosne i Hercegovine ("Službene novine Federacije BiH", br. 49/06 i 51/09), člana 64. stav 2. Zakona o vodama Kantona Sarajevo ("Službene novine Kantona Sarajevo", br. 18/10, 43/16 i 44/22), člana 24. stav 1. tačka 6. i 117. Statuta Općine Trnovo ("Službene novine Kantona Sarajevo", broj 12/08), Općinsko vijeće Trnovo, na 21. sjednici, održanoj dana 16.11.2023. godine, donosi

ODLUKU**O UVJETIMA I NAČINU IZDAVANJA VODNIH AKATA
NA PODRUČJU OPĆINE TRNOVO****I. OPĆE ODREDBE**

Član 1.

(Predmet)

Ovom Odlukom (u daljem tekstu: Odluka) regulišu se uvjeti i način izdavanja vodnih akata na području Općine Trnovo (u daljem tekstu: Općine), te način naplate naknade za izdavanje navedenih akata, u nadležnosti Općine definisanoj odredbama člana 64. stav 2. Zakona o vodama Kantona Sarajevo, a u vezi sa članom 107. Zakona o vodama ("Službene novine Federacije BiH", broj 70/06).

Član 2.

(Vrsta vodnih akata)

U smislu ove Odluke, vodni akti su:

1. Prethodna vodna saglasnost;
2. Vodna saglasnost i
3. Vodna dozvola.

Član 3.

(Nadležnost za izdavanje vodnih akata)

1. Rješenje kojim se odobrava izdavanje vodnih akata u smislu ove Odluke donosi Općinski načelnik putem nadležne Službe za prostorno uređenje, građenje, komunalne poslove i zaštitu čovjekove okoline (u daljem tekstu: Služba), a na zahtjev pravnog ili fizičkog lica.
2. Rješenje se dostavlja Ministarstvu privrede Kantona Sarajevo, Agenciji za vodno područje rijeke Save i Kantonalnoj vodnoj inspekciji Kantona Sarajevo, najkasnije u roku od sedam dana od dana izdavanja.

II. UVJETI I NAČIN IZDAVANJA VODNIH AKATA

Član 4.

(Podnosioci zahtjeva)

1. Podnosilac zahtjeva u smislu ove Odluke su pravna i fizička lica (investitor/korisnik/graditelj) koja posjeduju dokumentaciju propisanu važećim propisima i upravnim aktima, u skladu sa zakonskom regulativom.
2. Služba razmatra uvjete za izdavanje vodnih akata obuhvaćenim ovom Odlukom, te ukoliko ocijeni da je to neophodno može tražiti od stranke dodatne podatke ili dopunu dokumentacije.
3. Ukoliko podnosilac zahtjeva ne dostavi uz zahtjev i naknadno u ostavljenom roku potrebnu dokumentaciju, zahtjev za izdavanje vodnog akta odbacit će se zaključkom protiv kojeg je dopuštena posebna žalba.

Član 5.

(Prethodna vodna saglasnost)

Uz zahtjev za izdavanje Prethodne vodne saglasnosti potrebno je priložiti sljedeće:

- Kopiju katastarskog plana;

- Zemljišnoknjižni izvadak,
- Saglasnost KJP Trnovo d.o.o. Trnovo - faza vodovod i kanalizacija kojim je uslovljeno pribavljanje prethodne vodne saglasnosti i
- Projektnu dokumentaciju na nivou idejnog projekta.

Član 6.

(Vodna saglasnost)

Uz zahtjev za izdavanje Vodne saglasnosti potrebno je priložiti sljedeće:

- Urbanistička saglasnost i/ili Rješenje o izdatoj prethodnoj vodnoj saglasnosti i/ili okolišna dozvola u skladu sa važećom Uredbom;
- Kopiju katastarskog plana;
- Zemljišnoknjižni izvadak,
- Saglasnost KJP Trnovo d.o.o. Trnovo - faza vodovod i kanalizacija kojim je uslovljeno pribavljanje prethodne vodne saglasnosti i
- Glavni projekat u dva primjerka u analognoj formi i jedan primjerak u elektronskoj formi.

Član 7.

(Vodna dozvola)

Uz zahtjev za izdavanje Vodne dozvole potrebno je priložiti sljedeće:

- Odobrenje za građenje;
- Vodna saglasnost,
- Kopiju katastarskog plana;
- Zemljišnoknjižni izvadak,
- Ovjereni glavni projekat i
- Izvještaj Komisije koja je izvršila tehnički prijem objekta.

Član 8.

(Izdavanje vodnih akata)

Način izdavanja vodnih akata, sadržaj vodnog akta, rokovi, aktivnosti za koje su uvijek potrebni vodni akti, objekti i aktivnosti za koje nisu potrebni vodni akti i ostalo propisani su Zakonom o vodama Federacije BiH i Zakonom o vodama Kantona Sarajevo.

III. TROŠKOVI POSTUPKA

Član 9.

(Naknada izdavanja vodnih akata)

1. Naknadu izdavanja vodnih akata snosi podnosilac zahtjeva.
2. O naknadi iz stava 1. nadležna Služba odlučuje posebnim upravnim aktom u skladu sa ovom Odlukom.

Član 10.

(Visina i korištenje naknade)

1. Za izdavanje vodnih akata vlasnik objekta, odnosno investitor dužan je platiti odgovarajuću naknadu Općini, a dokaz o plaćenju naknadi prilaže se prilikom preuzimanja rješenja kojim se odobrava izdavanje predmetnih akata, i to kako slijedi:
 - a) za izdavanje Prethodne vodne saglasnosti naknada iznosi 50,00 KM, koja se plaća unaprijed, a kao dokaz dostavlja uplatnica o uplaćenju naknadi prilikom preuzimanja rješenja.
 - b) za izdavanje Vodne saglasnosti naknada iznosi 50,00 KM, koja se plaća unaprijed, a kao dokaz dostavlja uplatnica o uplaćenju naknadi prilikom preuzimanja rješenja.

c) za izdavanje Vodne dozvole naknada iznosi 70,00 KM, koja se plaća unaprijed, a kao dokaz dostavlja uplatnica o uplaćenju naknadi prilikom preuzimanja rješenja.

d) za izmjenu vodnog akta naknada iznosi 50,00 KM, koja se plaća unaprijed, a kao dokaz dostavlja uplatnica o uplaćenju naknadi prilikom preuzimanja rješenja.

2. Prikupljena naknada pripada u cijelosti Općini i namjenski će se koristiti za unapređenje vodovodne i kanizacione infrastrukture.

Član 11.

(Utvrđivanje naknade)

Naknada iz člana 10. ove Odluke utvrđena posebnim upravnim aktima, obračunava se bez obračunatog PDV-a.

Upravne akte kojim se utvrđuje naknada donosi Općinski načelnik.

IV. NADZOR

Član 12.

(Nadzor)

Nadzor nad provođenjem ove Odluke, odnosno vodnih akata vrši nadležno ministarstvo poljoprivrede, vodoprivrede i šumarstva, kao i kantonalni vodni inspektor.

V. ZAVRŠNE ODREDBE

Član 13.

(Rješavanje ranijih zahtjeva)

Ako je do stupanja na snagu ove Odluke upravni postupak pokrenut kod nadležnog organa, a nije doneseno prvostepeno rješenje ili je rješenje poništeno i vraćeno prvostepenom organu na ponovni postupak, postupak će se nastaviti po odredbama ove Odluke.

Član 14.

(Žalba)

Protiv upravnih akata općinskog načelnika donesenih na osnovu ove Odluke u drugom stepenu rješava Federalno ministarstvo poljoprivrede, vodoprivrede i šumarstva.

Član 15.

(Važenje vodnih akata)

Vodni akti izdati do stupanja na snagu ove Odluke, ostaju na snazi do isteka roka određenog u rješenju.

Član 16.

(Stupanje na snagu)

Ova odluka stupa na snagu danom objave na oglasnoj ploči Općine Trnovo, a naknadno će se objaviti u "Službenim novinama Kantona Sarajevo".

Broj 01-02-4640/23

21. novembra 2023. godine
TrnovoPredsjedavajuća
Općinskog vijeća Trnovo
Amina Dedić, s. r.

Odluka objavljena na oglasnoj ploči Općine Trnovo dana 21.11.2023. godine.

Na osnovu člana 61. i 63. Zakona o plaćama i naknadama u organima vlasti Federacije Bosne i Hercegovine, ("Službene novine Federacije BiH", broj 45/10, 111/12 i 20/17), člana 24. i 117. Statuta Općine Trnovo ("Službene novine Kantona Sarajevo", broj 12/08), Općinsko vijeće Trnovo na prijedlog općinskog načelnika, na 21. redovnoj sjednici, održanoj dana 16.11.2023. godine, donijelo je